



Sakspapir

Sakshandsamar	Arkiv	ArkivsakID
Gjermund Hagesæter	FE-223, FA-U01	20/445

Saksnr	Utval	Type	Dato
080/20	Formannskapet	PS	13.10.2020

Tildeling frå ekstraordinært næringsfond 2020

Vedlegg:

Søknad

RF13

Søknad

Forretningsplan for utviding av Samnoey Maskin AS 2020

Søknad

RF13

Nyt Fedje forretningsplan

Nyte - zero emissions

20-01 Plan 1 OFF GRID 50 KYST

20-2 Plan KYST OFF GRID 50 KYST

20-3 3D KYST OFF GRID 50 KYST

20-4 3D KYST OFF GRID 50 KYST

20-5 3D INTERIØRER 50 KYST

Søknad

RF13.50 - Automatisk epost til arkiv 2020-0010

soeknad om ekstraordninaere midler Fedje kommune

Soknad-2020-0007

Feddie SISTE Budsjett 2020 - 03.08.20 (1)

Feddie prospekt - august 2020 (lowres) (1) (1)

Aarsregnskap 2019 Feddie Distillery sign

Soknad-2020-0002

Forretningsplan rekefangst

Soknad-2020-0004

Søknad

Saksutgreiing:

Bakgrunn

Fedje kommune har fått løyvt kr 526 430,- i ekstra næringsfond frå staten i samband med koronapandemien. Fondet skal setje kommunen i stand til å leggje til rette for auka aktivitet, sysselsetjing og verdiskaping.

Kriteria for måloppnåing er:

- Utvikling i sysselsetjing og talet på arbeidsplassar
- Utvikling i verdiskaping og økonomisk aktivitet

Midlane skal nyttast til bedriftsretta stønad og til andre næringsretta tiltak som er viktig for å



Fedje kommune

motverke negative verknader av koronavirusutbrotet. Samla tilskot frå næringsfondet skal som hovudregel ikkje overstige 50% av prosjektet sitt kapitalbehov, og aldri overstige 75%.

Første søknadsfrist var søndag 4/10-20; Det vart i utlysinga opplyst om at dersom det er meir igjen etter første søknadsfrist vert søknader fortløpande behandla inntil midlane er brukt opp. Det blei i utlysinga stilt krav om at forretningsplan vart lagt ved søknaden.

Alle søknader er registrert og sakshandsama gjennom www.regionalforvaltning.no

Innan fristen var det registrert i alt sju søknader.

Under er eit enkelt oppsett over søkjarar, forretningside, kostnad og søknadssum:

Søkjar	Forretningside	Prosjektkostnad	Søknadssum
Samnøy Maskin AS	Mekanisk verkstad, service og vinterlagring av båtar	kr 750 000,-	kr 300 000,-
Uniko AS	Digitalisere kurs for å frigjera kapasitet til auka drift	kr 405 000,-	kr 220 000,-
Søkjar	Forretningside	Prosjektkostnad	Søknadssum
Niclas Mjelstad	Utleige av sykklar, løparhjul, kano, båt, fiskestang mm	kr 324 000,-	kr 150 000,-
Nyt Fedje AS	Bygge verdens første sjølvdrevne hytte på Fedje som ikkje er tilknytta straum, vatn og avløp	kr 1 790 000,-	kr 400 000,-
Odd-Arild Torstensen	Utvikle fiskeriet på Fedje, sjark drift og line fiske	kr 700 000,-	kr 150 000,-
Paul Knapskog	Kjøp av sjark og utvikling av eit lite fiskeriselskap på Fedje	kr 1 400 000	kr 500 000,-
Feddie Ocean Distillery AS	Mulighetsstudie for hotell Kunst / kultursenter Opplevelses-pakker	kr 300 000,-	kr 150 000,-

Søknadane er vedlagt. Det vart som nevnt i utlysningsteksten stilt krav om at forretningsplan måtte leggjast ved søknaden. Berre Samnøy Maskin AS og Nyt Fedje AS har lagt ved forretningsplan. Begge foretningsplanane er vedlagt. I tillegg er det nokre fleire vedlegg som er knytta til enkelte av søknadane.

Vurdering

Søknadane som er kome inn dekkar eit breitt spekter av ulike prosjekt der alle har potensial i seg til å



Fedje kommune

gje både auka aktivitet og arbeidsplassar. Summen på kr 526 430,- er derimot ikkje stor nok til at alle kan få det dei har søkt om. Dette betyr igjen at nokon må nedprioriterast for at andre skal få alt eller delar av det dei har søkt om. Rådmannen kjem ikkje med noko konkret framlegg til vedtak i denne saka men gir ei kort vurdering av den enkelte søkjar. Denne vurderinga ber preg av at summen som skal fordelast er liten samanlikna med totalsummen det er søkt om. Vurderinga ville derfor vore meir «romsleg» dersom summen som skal fordelast hadde vore større.

Samnøy Maskin AS

Forretningsideen her er godt dokumentert og det er også vedlagt ein kort forretningsplan. Ideen vil passa godt inn i eksisterande aktivitet og dermed kunne dekke eit eksisterande behov.

Søknadssummen er godt under 50% av prosjektkostnaden.

På bakgrunn av dette meiner rådmannen at dette er eit prosjekt som det bør vurderast å gje støtte til. På grunn av næringsfondet sin størrelse vert det ikkje tilrådd at heile summen vert innvilga.

Uniko AS

Dette er eit selskap som vart etablert på Fedje i 1983 og som er vorte ramma hardt av Covid-19 situasjonen. Forretningsideen her er ikkje spesielt godt spesifisert og det er heller ikkje vedlagt forretningsplan. Søknadssummen er over 50% av prosjektkostnaden slik at dersom ein vurderer å gje støtte her meiner rådmannen at beløpet uansett bør reduserast.

Niclas Mjelstad

Dette er ein forretningside som vil gjera Fedje meir attraktiv for aktive turistar. Forretningsideen her er ikkje spesielt godt spesifisert og det er heller ikkje vedlagt forretningsplan. Søknadssummen er under 50% av prosjektkostnaden.

På grunn av næringsfondet sin størrelse vert det likevel tilrådd at ikkje heile summen vert innvilga.

Nyt Fedje AS

Forretningsideen her er godt dokumentert og det er også vedlagt ein fylldig forretningsplan. Sidan dette er eit nytt konsept som passar godt inn i internasjonale trender vil dette truleg setja Fedje på kartet både nasjonalt og internasjonalt. Søknadssummen er godt under 50% av prosjektkostnaden. På bakgrunn av dette meiner rådmannen at dette er eit prosjekt som det bør vurderast å gje støtte til. På grunn av næringsfondet sin størrelse vert det ikkje tilrådd at heile summen vert innvilga.

Odd-Arild Torstensen

Utvikling av fiskeri er noko som mange her på Fedje ønskjer meir av. Forretningsideen her er derimot ikkje spesielt godt spesifisert og det er heller ikkje vedlagt forretningsplan. Søknadssummen er godt under 50% av prosjektkostnaden.

På grunn av avgrensa dokumentasjon er rådmannen usikker på om søknaden bør innvilgast.

Paul Knapskog

Utvikling av fiskeri er noko som mange her på Fedje ønskjer meir av. Forretningsideen her er derimot ikkje spesielt godt spesifisert og det er heller ikkje vedlagt forretningsplan. Søknadssummen er også høg både i forhold til totalsummen som skal delast ut og er også høg i forhold til den eigenkapitalen og eigeninnsatsen som vert lagt inn i prosjektet. På grunn av størrelsen som det er søkt om og avgrensa dokumentasjon er rådmannen usikker på om søknaden bør innvilgast.

Feddie Ocean Distillery AS

Fleire gode idear men det er ikkje vedlagt noko forretningsplan for det som midlane skal gå til. Dette



Fedje kommune

er eit selskap som kan vise til ei fantastisk utvikling og som har mange spennande planar for framtida. Midlane det er søkt om skal gå til prosjektering / utredning av nye forretningsområder i regi av Feddie Ocean Distillery AS. Søknadssummen er akkurat 50% av prosjektkostnaden.

På bakgrunn av dokumentert gjennomføringskraft og potensialet i desse planane og ringverknandane dette kan bety for Fedje meiner rådmannen at dette er eit prosjekt som det bør vurderast å gje støtte til.

Folkehelse: Auka aktivitet og fleire arbeidsplassar er bra for folkehelsa.

Miljø: Ingen av prosjekta vil påverke miljøet negativt.

Økonomi: Auka aktivitet gir betre økonomi for Fedje kommune.

Konklusjon

Saka vert lagt fram for politisk handsaming utan noko konkret innstilling på korleis kr 526 430,- frå det ekstraordinære næringsfondet bør fordelast.

Forslag til vedtak:

Kommunestyret tek andre tertialrapport 2020 til vitande.

Formannskapet - 080/20

F - behandling:

Bjørn Solbakk bad om å få vurdert sin habilitet sidan han er ein av få tilsette i Uniko, eit av selskapa som har søkt om midlar. Solbakk gjekk ut av møtet medan habiliteten vart vurdert. Solbakk vart samrøystes vedteke å vere ugild etter forvaltningslova § 6, 2.ledd. Vara Silje Gullaksen trådde inn i møtet for å handsame saka.

Ordførar føreslo å lukke møtet etter kommunelova § 11-5 2.ledd, jf forvaltningslov § 13 1.ledd (2) pga. at ein av forretningsplanane er unnateke offentlegheit. Samrøystes vedteke. Publikum gjekk ut av møtet før behandlinga.

F - vedtak:

Formannskapet i Fedje kommune vedtek følgjande tildeling frå kommunalt næringsfond:

- 1.Samnøy Maskin AS får tildelt 76 430 kr frå kommunalt næringsfond i tråd med søknaden. Grunngeving: Begge aktivitetar passar godt inn i aktivitet ein ønskjer å ha på Fedje, og begge aktivitetar kan gje forventa positiv sysselsettingseffekt, samt utvikling av verdiskaping og økonomisk aktivitet på Fedje.
- 2.Uniko AS får tildelt 100 000 kr frå kommunalt næringsfond i tråd med søknaden. Grunngeving: Prosjektet passar godt inn i aktivitet ein ønskjer å ha på Fedje, og prosjektet er forventa å gje ein positiv effekt i forhold til aktivitet og sysselsetting, samt utvikling av verdiskaping og økonomisk aktivitet på Fedje.
- 3.Niclas Mjelstad får tildelt 50 000 kr frå kommunalt næringsfond i tråd med søknaden. Grunngeving: Prosjektet passar godt inn i aktivitet ein ønskjer å ha på Fedje, utvikling av Fedje som feriedestinasjon og sysselsetting av lokal ungdom.



Fedje kommune

4. Nyt Fedje AS får tildelt 100 000 kr frå kommunalt næringsfond i tråd med søknaden. Grunngeving: Utvikling av Fedje som feriedestinasjon og lokal sysselsetting, samt utvikling av verdiskaping og økonomisk aktivitet på Fedje.

5. Odd-Arild Torstensen får tildelt 100 000 kr frå kommunalt næringsfond i tråd med søknaden. Grunngeving: Prosjektet passar godt inn i aktivitet ein ønskjer å ha på Fedje, og mogleg lokal kompetanseutvikling for ungdom.

6. Feddie Distillery AS får tildelt 100 000 kr frå kommunalt næringsfond i tråd med søknaden. Grunngeving: Prosjektet passar godt inn i aktivitet ein ønskjer å ha på Fedje, og prosjektet er forventa å gje ein positiv effekt i forhold til aktivitet og sysselsetting.

7. Paul Knapskog får ikkje tildelt midlar frå kommunalt næringsfond. Grunngeving: Søknadssummen er for stor i forhold til eigenkapitalen i prosjektet. Søkjaren er avhengig av for stor sum frå fondet for å kunne realisere prosjektet.

50% av summen vert tildelt ved oppstart av prosjektet. Dei resterande 50% vert utbetalt når søkjar kan dokumentere forventa framdrift i prosjektet for ordførar, seinast innan 01.06.2021.